



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

MDCCCXXX. Kaiser Friedrich fordert die Könige von Dänemark, Polen und  
Böhmen, imgleichen die Herzöge von Mecklenburg und Sachsen zur  
Anerkennung und zum Schutze seiner, den Markgrafen von Brandenburg

...

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

des hungerischen jm Sybenden Jaren. Item in derselben form geschriben Graue Adolff, Graue Jorgenn vnd Graue Albrechten vonn Anhalt.

Nach dem Kurrmärk. Lehnscopialbuche II, 100.

MDCCCXXX. Kaiser Friedrich fordert die Könige von Dänemark, Polen und Böhmen, ingleichen die Herzöge von Mecklenburg und Sachsen zur Anerkennung und zum Schutze seiner, den Markgrafen von Brandenburg erteilten Belehnung mit den erledigten Pommerschen Landen auf, am 21. März 1465.

Wir Fridrich, von gots gnaden Romischer kaiser, zu allen zeiten mehrer des Reichs, zu hunger, dalmacien, Croacien etc. konig, herczog zu osterreich etc. Entbietenn dem durchluchtigenn Criestiern, konige zu Tennemarken etc. vnsern lieben Bruder vnd fursten, vnsern grus vnd fruntschaft zuuoren. Durchluchtiger lieber Bruder vnd furste! Wir haben den hochgeborn fridrichen, des heiligen Romischen Reichs Erzcamerer, vnd Albrechten, gebrudern, Marggrauen zu Brandburg, zu Stettin, zu pomern, der Cassuben vnd wenden herczogen vnd Borggrauen zu Nurenberg, vnsern lieben ohemen, kurfursten, fursten vnd geuattern, die yetzgemelten furstenthumb zu Stettin, zu Pomern, der Cassuben vnd wenden, auch ander herschafte, stete, Slosser, Merckte, dorffere, was des ist oder wu die gelegen sint, mit allen iren ezugehorungen vnd gerechtikeiten, nichts aufgenommen, so weilend der hochgeborn otte, zu stettin, zu pomern, der Cassuben vnd wenden herczoge vnd furste zu rugen, hinder sein vorlassen hat, was des von vns vnd dem heiligen Reiche zu lehne ruret vnd was vnns vnd dem selben Reich heymgeuallen wer, zu sampt der gerechtikeit, die sie als marggrauen zu Brandburg dorzcu haben, Von sundern gnaden zcu lehn gnedichlich vorlihen nach laute vnser kaiserlichin lehnbrüue dor vmme aufgegengenn, dorvmb so Begern wir an ewir liebe mit disem briue, Ir wollet die landscheffe der egerurtenn furstenthumb vnderweisen vnd dor an sein, das sie die obgnanten Marggrauen zcu Brandburg zcu jren erbbern ane jrrung, hindernisz vnd widerrede aufnehmen, auch rechte erbhuldung thun vnd vnsern kaiserlichen gebotten deshalben an sie aufzgegengenn, denselben Marggrauen nw hinfur gehorsam vnd gewertig sein vnd nachkommen. Ob sich aber dieselben Landscheffe alle oder ymandes aufz jnen sulcher vnser keiserlichin gebotte settzen oder wideren würden, in was schein das beschege, dem oder denselben des keinerleye hulffe, bistannd oder zcuschub tuth noch den ewirn zu thund gestatet in dheine weise, Sundern den obgenanten Marggrauen fridrichen vnd Albrechten zu sulcher jrer gerechtikeit wider sulche vnser vnd des Reichs vngheorsamen ewir getrawe Rath, hilff, furderung vnd bistannd tuth vnd beweiset. Dar an tuth vns ewir liebe vnd freuntschaft sunder ernstlich vnd gut geuallen. Geben zu der Newenstat, am phintztag vor dem Sontag zu Mituasten, Taufent vierhundert vnd jm

vünffvndsechzigsten vnser Reiche des Romischen jm vünffvndzwenzigsten des kaiserthumbs jm vierzehnden, des hungarischen jm Sibenden Jarenn. Item in der selben forme geschriben dem konig zu Behaym. Item in der selben Forme geschriben dem konig zu Polan. Item in der selben forme geschriben an die herczogenn zu Mekelenborch. Item in der selben formen herczog wilhelm, herczog ernst vnd herczog Albrecht von Sachsen.

Nach dem Kurm. Lebus-Copialbuche II, 99.

MDCCCXXI. Kurfürst Friedrich von Brandenburg verspricht der Stadt Lübeck die bei einem im Lande Lebus ertrunkenen, ihr angehörigen Reisenden vorgefundenen 600 Ungar. Gulden entrichten zu lassen, am 20. Juni 1465.

Wir fridrich, von gots gnaden marggraue zu Brandenburg, kurfurft, des heyligen romischen reichs Erczkamerer, zu Stettin, pomeran, der Cassuben vnd wenden herczog vnd Burggraue zu nuremberg, Bekennen vnd thun kunt öffentlich mit dem brieff vor vns, vnser erben vnd nachkomen gen allermeniglich, die In sehen ader horen lesen, das wir vnserm herrn vnd swager dem konig von tehemarck, dem Bischoff von lubick vnd sunderlich dem Rat zu lubick vnserem lieben besundern zu besundern beheglichey, willen vnd wolgeuallen, vff Ir bete derhalben an vns getan, haben vns getrewlich vnd fleylig gemüt vnd gearweyt, och Im besten dem gemeinen kawffman zu lübeck zu gut abgeret vnd bededinget haben von der VI<sup>e</sup>. vngerischen gulden wegen, die pey Cleyse van welfen, der von inval yemerlichen In vnserm gepite dem lant zu lübus vordranckt, gefünden würden, die seinen herrn, herrn heinrich karzдорff, Burgermeister, vnd herman sobürszhawfen, Borger zu lübeck vnd Irer gesellschaft anhortten, das In die wieder gereicht, gekart vnd gutlichen vff drey tagzeyt bezalt sollen werden, durch vnsern kuchenmeister zu berlin y vff itliche zeyt zwey hundert vngerische gulden: vnd die ersten frist sol wesen vff winacht zu komend vort vber ein Jar vnd die andern zwey hundert gulden vff die nesten winacht darnach vnd die dritten vnd die lezten zwey hundert gulden vff winacht forder vber ein Jar darnach; so das solch solz hundert gulden vff solch drey winacht nach einander folgenden gancz vorgeügt vnd bezalt werden, also find wir dem genannten herrn heinrich karzдорff vnd herman sobürszhawfen vnd Iren erben vor solan gelt vnd bezalung oben berürt borg vnd gut geworden, vnd gereden vnd geloben In vnd Iren erben vor vns, vnser erben vnd nachkomen In craft vnd macht diszes briefs, das In solch Ir genanntes gelt vnd bezalung vff die obgenannten Termine vnd tagfrist von dem ergedachten vnserm kuchenmeister zu Berlin, dem wir vnser erben ader nachkomen dorzü der zeyt haben werden, gutlichen zu dancke vnd an vorzihen sal geschen, wider gekart vnd bezalt werden, In ader wen sie ader Ir erben mit Irem bestendigen macht brieffe vnd nottorfft